



新選古今類腴卷之五

臣道類全

相體

六卿

進諫

勸講

侍從

守令

史官

文武

相體

泰爻曰包荒

柔也

用馮河

剛也

不遐遺朋云得尚於中行

○鼎玉鉉大吉无不利象曰玉鉉在上剛柔節也

周官曰立太師太傅太保茲惟三公論道經邦燮理

陰陽官不必備惟其人○少師少傅少保曰三孤貳

於弘化寅亮天地弼予一人

陽折足覆  
公稟錄



節南山曰。尹氏大師。維周之氏。音低。又音底。本也。徐氏云。天根也。方氏云。

與邱同人。所祀宿。故氏星為王後宮。秉國之鈞。四方是維。天子是毗。音皮。

也。○大雅烝民曰。肅肅王命。仲山甫將之。邦國若否。

仲山甫明之。○王命仲山甫。式是百辟。王躬是保。出

納王命。王之喉舌。衮職有闕。惟仲山甫補之。

胡傳曰。體元者。人君之職。而調元者。宰相之事。○師

傳之官。坐而論道。賞善罰惡。尊賢退不肖。其任重矣。

表記曰。適臣守和。宰正百官。大臣慮四方。

周禮地官曰。三公者。內與王論道。中參六官之事。外

與六卿之教。

大戴禮曰。天子不論於先聖王之德。不知君國高民

之道。不見禮儀之正。不廢應事之理。不傳古今之典。

不閑威儀之數。禮樂無經。學業不法。凡此之屬。太師

之任也。○天子無恩於父母。不惠於庶人。無禮於大

臣。不忠於折獄。不哀於喪。不敬於祭。不信於諸侯。不

議於戎事。不厚於德。不强於行。不從太師之言。凡是

之屬。太傅之任也。○天子處位不端。受業不敬。言語

不序。聲色不中律。進退升降不以禮。俯仰周旋失節。

凡此之屬。太保之任也。

荀子曰。三公總方而議。則天子恭已而已矣。

總萬方。

淮南子曰。得十利劍。不若得歐冶之巧。得百走馬。不若得伯樂之數。○夫相大官也。處大官者。不欲小智。故曰大匠不斷。大包不豆。大勇不鬪。大兵不寇。

新書曰。保。保其身體。傳。傳之德義。師。道之教訓。此三公之職也。

史。陳平曰。陛下即問決獄。責廷尉。錢穀。責治粟肉史。上曰。苟各有主者。而君所主者何事也。平謝曰。宰相

者。上佐天子。理陰陽順四時。下遂萬物之宜。外鎮撫四夷諸侯。內親附百姓。使卿大夫各得任其職焉。漢丙吉曰。人鬪殺傷。長安令京兆尹所當禁。吾備位宰相。不親小事。方春少陽用事。未可以熱。恐牛近行用暑故喘。此時氣失節。三公典調陰陽。職所憂也。公孫弘贊曰。三公者。百僚之率。萬民之表也。未有樹直表而得曲影者也。

朱浮傳曰。吳起與田文論功。文不及者三。朱買臣難公孫弘十策。弘不得其一。終之田文相魏。公孫宰漢。

誠知宰相自有體也。

梁冀傳曰。大宰相運動樞極。感會天人。中於道則易以興政。乖於務則難乎御物。

何進曰。古者民約事謹。國之輔佐。必得賢聖。然猶則天三光。備三公官。各有分職。今末俗之弊。政事煩多。宰相之才。不能及古。如今丞相獨兼三公之事。所以大化久未洽也。宜建三公官。定卿大夫之位。分職分政。以考功效。

百官志曰。宰相事無不統。故不以一職名官。○三師

都相之位

都居也

百揆 齊官內稱

于此度百事也

登視昂之位

阿衡 伊尹中說

阿衡也衡平也

不主事。不置府僚。蓋與天子坐而論道者也。

唐房杜贊曰。宰相所以代天者也。輔贊彌縫。而蔽諸用。使斯人由而不知。非明哲曷臻是歟。

韓愈曰。入則諫其君。出則不使人知者。大臣宰相之事也。

高季輔曰。謀猷之臣。臺閣之史。不崇簡易而昧經遠。執憲則以深刻為奉公。當官則以侵下為益國。非體也。

姚崇贊曰。姚崇善應變。以成天下之務。宋璟善守文。

相室猶言相國

輔拂 拂佛 弼也 傅也

密勿 輔佐金

于九委至密之短

三吏 三公 天子之吏

廷 三公 三公之位

三事 三公之佐也

三壽 三卿也

以持天下之正。為道不同。同歸於治。

宋程鉅夫曰。宰相之職。莫大於進賢。苟不以進賢為

急。而惟以殖貨為心。非為上為德。為下為民之意也。

○朱熹曰。大臣以天下之事為己任。則當自急。君心

之非始。欲格君心。則當自身始。

六卿

周官曰。冢宰掌邦治。統百官。均四海。司徒掌邦教。敷

五典。擾兆民。宗伯掌邦禮。治神人。和上下。司馬掌邦

政。統六師。平邦國。司寇掌邦禁。詰姦慝。刑暴亂。司空

掌邦土。居四民。時地利。六卿分職。各率其屬。以倡九

牧。阜成兆民。

商頌曰。允也天子。降於卿士。

左傳曰。國。君之貳也。民之主也。○凡六官之長。皆

民譽也。舉不失職。官不易方。爵不踰德。師不陵正。旅

不偪師。民無謗言。所以復伯也。○胡傳曰。天王紀法

之宗也。六卿紀法之守也。○國之置卿。猶屋之有楹

也。

曲禮曰。天子建六官。先六太。曰太宰。太宗。太史。太祝。

太士。太卜。典司六典。

家語曰。古之御天下者。以六官總治焉。冢宰之官。以成道。司徒之官。以成德。宗伯之官。以成仁。司馬之官。以成聖。司寇之官。以成義。司空之官。以成禮。六官在手。以為轡。均仁。以為柄。故曰御四馬者。執六轡。御天下者。正六官。

春秋漢舍孳曰。三公在天。為三台。九卿為北斗。三公象五嶽。九卿法河海。

韋昭註曰。卿慶也。言萬國皆慶賴之也。

帝王世紀曰。九卿者。所以參三公也。

蔡邕獨斷曰。尚書令。入參機衡。五頭九列。七統三事。和神人于宗伯。理水土于下台。訓五品于司徒。耀三辰于上階。

漢李固曰。陛下之有尚書。猶天之有北斗也。斗為天喉舌。尚書亦為陛下喉舌。斟酌元氣。運乎四時。尚書出納王命。賦政四海。權尊勢重。責之所歸也。

晉詔曰。尚書萬事之本。王化所由。宜參貳親賢。以康庶政。

邢子才表曰。揚職萬機。總任百揆。權衡庶物。準的群僚。可以助日月之光華。增天地之高厚。

隋百官志曰。出納王命。敷奏萬機。蓋政令之所由宣。選舉之所由定。斯乃文昌天府。

高季輔曰。尚書八座。人主所責成者。宜擇渾厚修潔者任之。

宋孫何對真宗曰。六卿分職。邦家之大柄也。六職舉而天下之事備矣。故周之令府。漢之尚書。立庶政之本根。提百司之綱紀。令僕率其屬。丞郎分其行。音二

吏部曰銓衡

言量度人物而

使之平也

吏部銓銜銓

衡

選曹銓管人才

月卿 言卿士惟

月者一月之任也

六事 六卿之任也

十四司。燁焉星拱。四海九州之大。若網之在綱矣。

文獻通考曰。守相之高第者。然後為二千石。二千石

之有治行者。然後為九卿。九卿之稱職者。然後為御

史大夫。漢制

宣廟曰。庶官賢否。關國家之治亂。掌銓衡者。以進賢

退。不肖為職。一事得人。則一事理。一邑得人。則一邑

安。

進諫

坎父曰。樽酒簋。貳用。益。納約。自牖。樽酒不事浮文也。貳益也。在誠也。自





○師氏掌以媿詔王。保氏掌諫王惡。

家語曰。忠臣之諫君。有五義焉。一曰譎諫。二曰戇諫。三曰降諫。四曰直諫。五曰諷諫。惟度主以行之。吾從其諷諫乎。

韓詩外傳。比干曰。主暴不諫。非忠也。畏死不言。非勇也。見過即諫。不用即死。忠之至也。

韓非子曰。所說出於名高者也。而說之以厚利。則見下節而遇卑賤。必棄遠矣。所說出於厚利者也。而說之以名高。則見無心而遠事情。必不收矣。所說實

為厚利。而顯為名高者也。而說之以名高。則陽收其身。而實疎之。若說之以厚利。則陰用其言。而顯棄其身。此之不可不知也。

說苑曰。不諫則危君。固諫則危身。智者度君權時。調其緩急。而處其宜。上不敢危君。下不以危身。

白虎通曰。臣之諫君。法金正木也。子之諫父。法火揉木也。臣諫君以義。故折正之也。子諫父以恩。但揉之也。

論衡曰。作無益之能。納無補之說。猶以夏進爐。以冬

奏扇亦徒耳。

文中子曰。諫其見忠臣之心乎。其志直。其言危。直而不迫。危而不詆。其知命者之所為乎。

史宋世家箕子曰。為人臣。諫不聽而去。是彰君之惡。而自說于民。吾不忍為也。

趙良曰。貌言華也。至言實也。苦言藥也。甘言疾也。

主父偃曰。明主不惡切諫。以博觀。忠臣不避重誅。以直諫。故事無遺策。功流萬世。

漢李雲曰。禮有五諫。諷為上。若夫托物見情。因文載

外史曰。瘠口之  
言者。美之。瘠心  
之言者。冰之。今君  
之諫。雖不甘君  
之口。其心實心  
哉。

旨。使言之者無罪。聞之者足以自戒。貴在於意。違言

從。理歸於正。曷其絞訐。摩上以銜。沽成名哉。

崔駰曰。交淺而言深者。愚也。在賤而望貴者。惑也。未信而內忠者。謗也。

晉王濬曰。事君之道。苟利社稷。死生以之。若頽嬖避咎。此人臣不忠之利。非人主社稷之福。

宋周朗曰。昔婁敬戍卒。委輅輅輓而遷帝都。馮唐老賤。

片詞以悟明主。素無王公卿士之貴。非有積譽取信之資。徒以一言合旨。仰感萬乘。自此山壑草萊之人。

布衣常帶之士莫不踵闕獻書烟霏霧集

唐本紀曰君臣之際可謂難哉蓋明者慮於未萌而難知暗者告以將及而不惧故先事而言雖忠而不信事至而悔其可及乎

李渤疏曰夫以下摩上士所甚患然取名過多故上失德則與下爭名若或依古肆言高而難從逆之似傷道行之不切時又言事常弊也

劉蕡曰臣有正國致君之術無位而不得行有犯顏取諫之心無路而不得達常欲與庶人議於道商賈謗於市得通上聽一悟主心

陸贄曰承問而對臣之職也寫誠無隱臣之忠也宋范鎮對仁宗曰君子言聽計從消患於未萌使天下咸受其賜無智名無勇功吾獨不得陰賜於天下使天下受其害而吾享其名吾何心哉

石介上英宗曰君有佚豫失德悖亂無道荒政拂諫廢忠慢賢言官得以諫責之相有依違順旨蔽上罔下貪寵作威言官得以糾繩之將有兇悍不順恃武肆害玩兵毒民言官得以彈劾之

歐陽修曰。士不忘身。不為忠言不逆耳。不為諫。○不避雷霆之威。不畏權臣之禍。此乃至忠之臣也。司馬光曰。忠臣之事君也。責其所難。則其易者不勞。而正補其所短。則其長者不勸而遂。

蘇洵曰。諫法有五。理論之。勢禁之。利誘之。激怒之。隱諷之。理而諭之。主雖昏必悟。勢而禁之。主雖驕必懼。利而誘之。主雖怠必奮。激而怒之。主雖懦必立。隱而諷之。主雖暴必容。悟則明。慎則恭。奮則勤。立則勇。容則寬。致君之道。盡於此矣。

呂祖謙曰。進諫之道。使人君畏吾之言。不若使人信吾之言。使人君信吾之言。不若使人君樂吾之言。楊誠齋曰。君子之事君。有以言諫者。有以身諫者。君有過言。力為之繩。此言諫也。君有過行。痛為之糾。此身諫也。吾聞其以身諫者。從以言諫者。凶。蓋吾君之過。與其回之。孰與消之。與其救之。孰與先之。金世宗曰。古之諫者。既忠於國。亦以求名。今之諫者。為利而已。

金楊雲翼上宣宗疏曰。人臣有事君之禮。有事君之

義禮不敢齒君之跣馬。蹴其芻者有罰。入君門則趨。見君之几杖則起。君命召。不俟駕而行。受命不宿於家。是皆事君之禮。人臣所當盡者也。然國家之利害。生民之休戚。一一陳之。則向所謂禮者。特虛器耳。君曰可而有否者。獻其否。君曰否而有可者。獻其可。言有不從。雖引裾折檻。斷鞅刃輪。有不恤焉者。使姑徇事君之虛禮。而不知事君之大義。國家何賴焉。元拜住對英宗曰。盤圓則水圓。孟方則水方。有太宗納諫之君。則有魏徵敢諫之臣。

高廟曰。責難不入於昏君。諂諛難動於明主。

仁廟曰。勿為崇高而難入。勿以有所從違而或怠。

丘濬正朝廷疏曰。天下之患。莫大於人君處危亡之地。而不自知。人臣知危亡之禍。而不敢言。為人上者。誠能廣陳言之路。善者有賞。非者無罪。當言而不言者。有罰。則大臣不至持祿。小臣不至畏罪。而下情上通矣。○壅蔽於言者。禍亂之萌。專恣於事者。權姦之漸。故必有喉舌之司。以通上下之情。以達天下之政。夏鍤上疏。採鄒智等曰。夫言官無流竄之禍。則不足

獻替 零語  
抗疏 骨鯁  
驟諫 勃諫也  
諫者曰批逆鱗

以彰其譽。有謫徙之苦，則愈足以見其難。罪愈重而名愈高。是言者之得罪。雖罹今日之禍，亦成後世之名。但非人主之福耳。人主知此之故，轉而容之，則言者無禍。然亦無名，而名固歸於人主之一身矣。倪岳會議災異，陳言曰：夫言之於無事之日，不足信言之於有事之日，不及行。是故進言之道，自古難之。章懋諫元宵燈火，疏曰：知其不可，猶順而為之，是不忠也。知不可為，而不以實聞，是不直也。不忠不直，臣罪大矣。

大雅老阿曰：有馮有翼，有孝有德，以引以翼。

大禹謨曰：安汝止，惟幾惟康，其弼直惟動，丕應僉志，以昭受上帝。天其申命用休。○臯陶謨曰：允迪厥德，謨明弼諧。○伊訓曰：修厥身，允德協於下，惟明后。說命曰：惟說不言，有厥咎。

表記曰：事君先資其言，拜自獻其身，以成其信。國語曰：夫事君者，諫過而賞善，薦可而替否，獻能而進賢，擇才而薦之，朝夕誦善，敗而納之，道之以文，行

古今類用 卷五 四  
之以順。勤之以力。致之以死。

荀子曰。忠信而不諛。諫爭而不諂。矯然剛折。端立而無傾側之心。○人之不善而能勸之者難矣。說之不行之。言之不從者。其辨之不明也。既明而不行者。其持之不固也。既固而不行者。未中其心之所善也。持之固之。辨之明之。又中其人。所善能入于人心。則說無不行矣。

說苑曰。夫談說之術。齊莊以立之。端威以處之。堅強以持之。譬稱以論之。分別以明之。摧折憤懣以送之。

夫是以謂之講說。○虛心白意。進善通道。勉主以禮義。諭主以長策。將順其美。匡救其惡。功成事立。歸善於君。不敢獨其勞。

抱朴子曰。進則正辭切論。改過箴闕。退則端誠杜私。知無不為。

師尚父道丹書曰。箴之約。行之行。可以為子孫常者。此言之謂也。

文中子曰。忠臣之事君也。盡忠補過。君失於上。則臣補於下。臣諫於下。則君從於上。此王道所以不跌也。



古今類聚 卷五  
漢王吉曰。夫廣廈之下。細旃之上。明師居前。勸誦在後。上論唐虞之際。下及殷周之盛。考仁義之風。習治國之道。訢訢焉。發憤忘食。日新厥德。其樂豈徒銜擢之間哉。

谷永曰。嚴然總五經之眇論。立師傅之顯位。入則鄉唐虞之閎道。王法納乎聖聽。出則參冢宰之重職。功烈施乎政事。

崔駰曰。陛下使臣侍講。歷半歲不一問經義。臣死功不足副厚恩。

宋程頤曰。人臣以忠信善道結於君心。必自其所明處。乃能入也。人心有所蔽。有所通。蔽者暗處也。通者明處也。當就其明處以告之。求信則易也。○君子之事君也。不得其心。則盡其誠以感發其志。誠積而動。則雖昏蒙可開也。雖柔弱可輔也。雖不正可正也。古之人。事庸君常主。而克行其道者。以已誠上達。而其君信之之薦耳。○人主春秋之富。雖睿聖得於天資。而輔養之道。不可不至。大率一日之中。接賢士大夫之時多。親寺人宮妾之時少。則氣質變化。自然而成。

百命類勝 卷五  
願選名儒勸講為之分直以備顧問。或有小失隨事獻規。歲月積久必能養成聖德。

胡寅曰。臣之事君。格其非心。褊狹者宜廓以寬弘。急促者宜道以紆緩。

呂祖謙曰。講論治道。不當言主意難移。當思臣道未盡。不當言邪學難勝。當思正學未明。

### 侍從

周命曰。昔在文武。聰明齊聖。小大之臣。咸懷忠良。其侍御僕從。罔非正人。以旦夕承弼厥辟。○僕臣正。厥

尸克正。僕臣諛。厥后自聖。后德惟臣。不德惟臣。

大雅綿曰。子曰有䟽附。率上親下子曰有先後。子曰

有奔走。子曰有禦侮。

左傳曰。其為太子師保奉之。以朝於嬰齊。而夕於側也。嬰齊側俱○君子不近刑人。近刑人則輕死之道也。令尹名

禮運曰。王前巫而後史。卜筮瞽侑。皆在左右。王中心無為也。以守至正。

荀子曰。有大忠者。有次忠者。有下忠者。有國賊者。以

古今類聚 卷五  
德復君而化之。大忠也。以德調君而補之。次忠也。以是諫非而怒之。下忠也。不恤君之榮辱。不恤國之臧否。偷合苟容。以之持祿養交而已耳。國賊也。忠經曰。君子之事上也。入則上其謀。出則行其政。居則思其道。動則畢其儀。秉職不回。言事無憚。苟利社稷。則不顧乎身。

漢王吉曰。聖主獨行於深宮。得則天下稱之。失則天下成言之。行發於近。必見於遠。故謹選左右。審擇所使。左右所以正身也。所使所以宣德也。

齊記曰。內侍帷幄。外吐絲綸。威厲風霜。志迴天日。唐史曰。凡今在位。其任重者。其罪大。職近者。其責深。侍司之職。頗亦為近。是宜當責。安可增榮。

陸贄曰。立國之本。所繫于元良。弘教之方。必由于端士。非精識前典。德冠當時。恭敬溫文。其將安做。吾是以輟台階之老。選宗室之賢。輔翼春闈。是資教諭。爰延曰。善人同處。則日聞嘉訓。惡人從游。則日生邪情。以非所言。則悅於耳。以非所行。則翫於目。南史恩倖論曰。環纓歛笏。俯仰晨昏。瞻帷坐而竦躬。

陪蘭檻而高眇。探求恩色。習覩威顏。

韋執誼曰。備待顧問。辨駁是非。典持縑牘。受遣群務。

凡一世得失。動為臧否。職之重也。

宋韓維曰。邇英閣者。陛下間燕之所也。侍承側者。皆

獻納論思之。陳於前者。非經則史。可以博咨訪之。

義窮仁。究成敗之原。

職林曰。學士之職。本以文學言語顧問。出入侍從。因

得參謀議。納諫諍。其禮尤寵。

明憲宗遺事曰。王署之設。密邇紫闈。每夜漏既上。宮

中並入。有大號令。急奏。惟天子與學士知之。雖戴冕

之士。充滿千廬。典司翰墨。一人而已。

丁永錄曰。先後左右。以道義輔予。豈特專文墨視草

而已。

### 守令

舜典曰。咨十有二牧。曰。食哉唯時。柔遠能邇。惇德允

元。而難拒任惡人。○周官曰。內有百揆。四岳。外有州

牧。侯伯。

大雅崧高曰。崧高維嶽。駿極于天。維嶽降神。生甫及

申。維申及甫。維周之翰。四國于蕃。翰幹四方于宣。○  
豈弟君子。民之父母。

左傳曰。子皮欲使尹何為邑。子產曰。少未知可否。子  
皮曰。使夫往而學焉。夫亦愈知矣。子產曰。不可。人之  
愛人。求利之也。今吾子愛人。則以政。猶未能操刃而  
使割也。其傷寔多。子之愛人。求傷之也。

禮曰。四郊多壘。此卿大夫之辱也。地廣大荒而不  
治。此士之辱也。

子路治蒲。請見孔子曰。由願受教。夫子曰。蒲

其何如。對曰。邑多壯士。又難治也。子曰。然。吾語汝。恭  
與敬。可以攝勇。寬而正。可以懷強。愛而恕。可以容罔。  
溫而斷。可以抑姦。如此而加之以忠潔。則政不難矣。  
○知為吏者奉法以利民。不知為吏者枉法以侵民。  
此怨之所由生也。治官莫若平。臨財莫若廉。廉平之  
守。不可改也。○夫子稱子路治蒲。子貢曰。夫子未見  
由之政。而三稱其善。善可得聞焉。子曰。吾見其政矣。  
入其境。田疇盡易。草萊甚辟。溝洫深治。此其恭敬以  
信。故其民盡力也。入其邑。墉屋完固。樹木甚茂。此其

忠信以寬。故其民不偷也。至其廷。廷甚清閒。諸下用命。此其明察以斷。故其民不擾也。

荀子曰。政法令。舉措時。聽斷公。上則能順天子之命。下則能保百姓。

說苑。董安于治晉陽。問政于蹇老。蹇老曰。忠信敢。董安于又問曰。安忠乎。曰。忠于主。曰。安信乎。曰。信于令。曰。安敢乎。曰。敢于不善人。董安于曰。此三者足矣。○  
安于則治。單父。彈鳴琴。身不下堂。而單父治。巫馬期亦治。單父。以星出。以星入。日夜不處。以身親之。而單

父亦治。巫馬期間其故。子賤曰。我之謂任人。子之一任力。任力者固勞。任人者固佚。人曰。宓子賤則君子矣。佚四肢。全耳目。平心氣。而百官治。任其數而已矣。巫馬期則不然。雖治猶未至也。

史。令二千石脩職。詔曰。吏以貨賂為市。漁奪百姓。侵牟萬民。縣丞長吏也。奸法與盜盜。甚無謂也。

太史公曰。政令以道。民也。刑法以禁。姦也。文武不備。良民懼。奉職循理。可以為治。何必威嚴哉。

董仲舒曰。郡守縣令。民之師帥。所使承流而宣化也。

入單父之野而見  
弄魚之俗則已知  
子燧之政矣。入中  
年之野而見馴雉  
之俗則已知魯茶  
之政矣。民無  
怨。○性近鷹鷂者  
鮮。○鷂鳳之化政  
急。○催科者緩。○撫  
字之方。○紫雲  
之安。○切責。○廉侯  
堅德之屏。○書及  
郡守其在亦重  
矣。○先張。○后五。○方  
聲。○于蜀。○石。○父。○陳。○母  
送。○稱。○于。○廣。○張。○方  
平。○之。○尹。○向。○封。○也。○人

不敢欺田况之尹  
成都也。人不忍欺  
遺錢不取。○劉君  
之威德也。外戶不  
閉。○魯公之美。○改  
也。○坐。○崇。○勳。○事。○為  
恩。○僅。○去。○思。○初。○竹  
垂。○仁。○武。○歌。○來。○暮。○春。○  
○張。○大。○成。○書。○于。○壁。○  
○曰。○此。○身。○者。○一。○日。○之。○間。○  
○百。○姓。○唯。○無。○淫。○之。○若。○  
○柳。○公。○傳。○曰。○奉。○穀。○  
○之。○下。○先。○彈。○壓。○郡。○  
○邑。○之。○治。○本。○惠。○養。○  
○甘。○雨。○隨。○車。○雲。○低。○  
○輕。○重。○之。○為。○殊。○也。○  
○浦。○波。○會。○遠。○近。○之。○  
○首。○子。○曰。○馬。○駿。○也。○

故師帥不賢。則主德不宣。恩澤不流。令吏既亡教訓。於下或不承。用主上之法。暴虐百姓。與姦為市。貧窮孤弱。冤苦失職。甚不稱陛下之意。是以陰陽錯繆。氛氣充塞。群生寡遂。黎民未濟也。漢禮樂志曰。移風易俗。使天下回心。而鄉音道。類非俗吏之所能為也。俗吏之所務。在於刀筆筐篋。而不知大體。公孫弘上武帝疏曰。有先聖之民。而無先聖之吏。是以勢同而治異。

宣帝詔曰。庶民所以安其田里。而亡歎息愁恨之心者。改平訟理也。為太守吏民之本也。數變易。則下不安。民知其將久。殆不可欺。罔廼服從其教化。故二千石有治理効。輒以璽書勉勵。增秩賜金。○吏不廉平。則治道衰。今小吏皆勤事而奉祿薄。歆其無侵漁百姓。難矣。

為不疑戒暴勝之曰。凡為吏。太剛則折。太柔則廢。威行施之。以恩。然後樹功揚名。永終天祿。酷吏傳曰。溫舒有虎冠之吏。延平有屠伯之名。

則君子不安與庶  
人駭政則君子不安  
改馬駭與則莫  
若靜之庶人駭  
政則莫若惠之。  
問官府之政于鈇  
下馬走甲是乙非  
迄無定說至于太  
山之隈他洞之曲  
由者夫樵父相與  
地而議長吏之統  
否若如黑白若數  
三德生誠刺吏  
之馬我蓋愛憐  
他于耳目之前是  
非以于郊野之外  
近者之教而不如

遠者之明也。

章帝詔曰。夫俗吏矯飾外貌。似是而非。揆之人事。則  
悅耳。論之陰陽。則傷化。安靜之吏。悃悞無華。日計不  
足。月計有餘。

明帝詔曰。郎官上應列宿。出宰百里。苟非其人。則民  
受其殃。是以難之。故吏稱其官。民安其業。

律設大法。禮順人情。今我以禮教汝。汝必無  
以法治汝。何所措其手足乎。

南陽朱邑。強直自遂。南陽朱季。吏畏其威。人  
懷其惠。

宋張廡問傅燮曰。丈人發奸摘伏。惠化如神。何以至  
此。答曰。勤而清。清則憲綱自行。勤則事無不理。憲綱  
行則吏不能欺。事自理則物無凝滯。

隋酷吏傳叙曰。古之善牧人者。養之以仁。使之以義。  
教之以禮。隨其所便而處之。因其所欲而與之。從其  
所好而勸之。如父母之愛子。如兄之愛弟。聞其饑寒  
為之哀。見其勞苦為之悲。故人敬而悅之。愛而親之。  
然則五帝三王。不易人而化。皆在所由化之而已。故  
有無能之吏。無不可化之人。夫吏之浸漁。得其所欲。



雖重其禁。猶或為之。吏之清平。失其所欲。雖崇其賞。猶或不為。况於上賞其姦。下得其欲。求其庶潔。不亦難乎。執心平允。終行仁恕。餘風遺愛。沒而不忘。寬惠之音。足以傳於來葉。○古語云。善為水者。引之使平。善化人者。撫之使靜。水平則無損於隄防。人靜則不犯於憲章。然則易俗移風。服教從義。不資於明察。必藉於循良者也。

梁良吏傳論曰。昔漢宣帝以為政平訟理。其惟良二千石乎。前史亦云。今之郡守。古之諸侯也。故長吏之

職號為親民。是以道德齊禮。移風易俗。咸必由之。殷彪制曰。今之郡守。古侯伯也。於吏有君臣之道焉。於人有父母之道焉。

唐張九齡曰。古者刺史入為三公。縣令出宰百里。今朝廷之士。入而不出。其於私計甚自得也。京師衣冠所聚。身名所出。從容附念。不勤而成。是大利在於內。而不在於外也。知能之士。欲利之心。安肯復出為守令哉。○六合元元之衆。懸命於縣令。宅生於刺史。天子所與共治。尤親於人者也。



簡以往。聞既書矣。乃還。○曹劌曰。君舉必書。書而不  
法。後嗣何觀。

王藻曰。天子元端而居。言則左史書之。動則右史書  
之。

周禮曰。內史掌王之八柄之法。以詔王治。凡命諸侯  
及孤卿大夫。則策命之。○太史掌建邦之六典。又有  
外史掌四方之志。三皇五帝之書。○史官脩掌國史。  
凡天地日月之祥。山川封域之分。昭穆繼代之序。禮  
樂師旅之事。誅賞興廢之政。皆本於起居。

漢班固論曰。司馬遷廣博貫穿。經傳馳騁古今。上下  
數千載間。斯以勤矣。又其是非頗謬於聖人。論大道  
則先黃老而後六經。序遊俠則退處士而進奸雄。述  
貨殖則崇勢利而羞貧賤。此其所蔽也。然自劉向揚  
雄博極群書。皆稱遷有良史之材。服其善序事理。辨  
而不華。質而不俚。其文直。其事核。不虛美。不隱惡。故  
謂之實錄。

馬班總論曰。司馬遷班固父子。其言史官載籍之作。  
大義粲然著矣。議者咸諒二子有良史之才。遷文直

而事覈固文瞻而事詳。若固之序事。不激詭。不抑抗。瞻而不穢。詳而有體。使讀之者。壹壹而不厭信哉。其能成名也。彪固譏遷。以為是非頗謬於聖人。然其論議常誹死節。否正直。而不敘殺身成仁之為美。則輕仁義。賤守節。愈矣。固傷遷博物洽聞。不能以智免極刑。然亦身陷大戮。智及之。仁不能守之。嗚呼。古人所以致論於目捷也。

晉書中鑒曰。君舉必記。善惡成敗。無不存焉。下及士庶。苟有茂異。咸在載籍。或欲顯而不得。或欲隱而名。事得失一朝。而榮辱千載。善人勸焉。淫人懼焉。

南齊書序曰。將以是非得失興壞理亂之故。而為法戒。則必得其所托。而後傳於久。此史之所以作也。然而所托不得其人。則或失其意。或亂其實。或析理之不通。或設辭之不善。故雖有殊功。建德。非常之迹。閭而不章。鬱而不發。而禱机。鬼瑣。姦回凶慝之形。可幸而掩也。古之所謂良史者。其明必足以周萬事之理。其道必足以適天下之用。其智必足以通難知之意。其文必足以達難顯之情。然後其任可得而稱也。

隋經籍志曰。夫史者。必求博文強識。疏通知遠之士。使居其位。百官衆職。咸所裁焉。是故前言徃行。無不識也。天文地理。無不察也。人事之紀。無不達也。內掌八柄。以詔王治。外執六典。以逆官政。書美以彰善。記惡以垂戒。範圍神化。昭明令德。窮聖人之至蹟。詳一代之亶亶。

唐褚遂良曰。守道不如守官。臣職載筆。君舉必書。史臣不記。天下之人亦記之矣。

房玄齡對太宗曰。前世史官所記。皆不令人主見之。

史官不虛美。不隱惡。若人主見之。必怒。故不敢獻。

司馬貞曰。漁獵則窮於百氏。筆削乃成於一家。

韋安石曰。世人不知史官之權重於宰相。宰相但能制生人。史官兼制生死。古之聖君賢相。所以畏懼者

也。得失一朝榮枯千載

劉知幾曰。古之國史。皆出一家。惟漢東觀集。群儒稱述。無主條章。不建。今史司取士滋多。人自為首表。

表家自為政駿。子政子駿。四皆有史才。每紀一事。載一言。閤筆

相視。含毫不斷。頭白可期。汗青無日。一不可。漢郡國

計書先上太史副上丞相後漢公卿所撰先集公府  
乃上蘭臺故史官載事為廣今惟詢採二史不注起  
居百官弗通行狀二不可史局深藉禁門所以杜顏  
面防請謁今作者如林褒貶曾未絕口而朝野咸知  
孫盛取嫉權門王邵見讐貴族常人之情不能無畏  
三不可史氏各有指歸故司馬遷退處士進奸雄班  
固抑忠臣飾主闕今史官注記類稟監修或須直辭  
或當隱惡十羊九牧其令難行四不可今監者不肯  
指授脩者又不遵奉務相推避以延歲月五不可○

史有三長才學識也有學無才猶愚賈操金不能殖  
貨有才無學猶巧匠無榱楠榱音駢榱楠皆美木斧斤弗能成  
室

袁樞曰吾為史官書法不隱寧可負鄉人不可負天  
下後世

杜正倫曰君舉必書言存於左右史臣職當修起居  
注不敢不盡愚若一言乖於道理則千載累於聖德  
非直當今損於百姓

宋程子曰古者諸侯之國各有史記故其善惡皆見

蘇老泉曰。任道  
法勝。史以事詞  
勝。任不得史。無  
以証其後。後史  
不得任。無以証  
其重。任不在。主  
實錄。史以事世  
之常法。  
公曰。物莫壽  
于金石。言于千  
載。之上下。皆死  
金石。以不朽。然金  
石時有銷。石有  
時而泐。其可任  
者。夫又何恃也。  
得其任。不銷不  
泐。視古今。且

善者。果何物乎  
曰。君子之德。且  
已矣。見辱于市  
人。越宿而已忘。  
見辱於君子。  
者。世亦不泐。君  
子所以口朱華。  
伐木。華以事實。  
之間。而老奸巨  
猾。心喪胆落者。  
皆此權也。

於後世。自秦罷侯置守令。則史亦從而廢矣。其後自  
非傑然有功德者。或記之。循吏與夫凶忍殘殺之極。  
以酷見傳。餘則泯然無聞矣。如漢唐之有天下。皆數  
百年。其間郡縣之政可書。宜亦多矣。然其見書者。率  
纔數十人。使賢者之政。不幸而無傳。其不肖者。復幸  
而得蓋其惡。斯與古史之意異矣。

樂城志曰。左右史官。號為要地。手刺策書。足以明  
直之效。密侍殿陛。足以觀進退之詳。  
真德秀曰。史官者。是非之權衡。公議之所繫也。禹不

能褒鯀。管蔡不能貶周公。趙盾不能改董狐之筆。崔  
氏不能奪南史之簡。

彙錦曰。公者道之衡。作史而出于公。則述其所難者  
必易。私者疑之府。作史而出于私。則述其所易者終  
必難。

明楊榮曰。愛名者。以史筆為榮。知道者。以史筆為懼。  
王鏊曰。班固以後。不復有史矣。古之所謂史官。皆世  
守之。人主所在。執筆以從。隨其言動。皆親見而直書  
之。所謂信史也。後世史官。雖具負而無定職。人主動

學孔樂之故  
事者曰學校

靜邈不相及。政事不及與聞。惟易世之後。則集前後  
奏疏而分曹書之。以宰臣為總裁。奏疏之語。果皆實  
乎。分曹之人。宰臣之意。果皆公且直乎。且生於數十  
年之後。追書於數十年前之前。其是非曲直。皆茫然無  
所聞。或得之傳聞。已非其實。縱得其實。而亦莫能燭  
其情偽。或奪於衆。不得書。或迫於勢。不敢書。或局於  
才。不能書。故一時君臣謀議勲業。汨沒不傳。而姦愴  
情態。亦無能發其微。以為世戒。監領者。又徃徃以私  
好惡雜乎其間。故曰不復有史矣。

### 文武

文侯命。王若曰。父義和。文侯字也丕顯文武。克慎明德。昭

升于上。敷聞在下。○汝克昭乃顯祖。肇刑于前。文人

顯祖文人皆指康叔汝多脩扞扞脩完扞衛我于艱。

六月曰。六月棲棲。戎車既飭。玁狁孔甚熾也。我是用急。

王于出征。以匡王國。薄伐玁狁。以奏膚功。有嚴有翼。

共武之服。事也共武之服。以定王國。薄戎玁狁。至于太

原。文武吉甫。萬邦為憲。吉甫燕喜。既多受祉。○崧高

曰。不顯申伯。王之元舅。文武是憲。○烝民曰。人亦有



言柔則茹音汝剛則吐之。維仲山甫。柔亦不茹。剛亦不吐。不侮矜音緜寡。不畏疆禦。

胡傳曰。行使則有文告之詞。疆場則有守禦之備。聘義曰。勇敢強有力者。天下無事。則用之於禮義。天下有事。則用之於戰勝。用之於戰勝。則無敵。用之於禮義。則順治。外無敵。內順治。此之謂盛德。

三畧曰。夫能扶天下之危者。則據天下之安。能除天下之憂者。則享天下之樂。能救天下之禍者。則獲天下之福。

子曰。為王腹心。為國爪牙。仁行如春。威行如秋。

漢崔駰達旨曰。昔孔子起威於夾谷。晏嬰發勇於崔杼。曹劌舉節於柯盟。卞嚴見捷於疆禦。范蠡錯勢於會稽。伍員樹聲於栢舉。魯連辨言以退燕。包胥單辭

而存魯。唐睢華顛以悟秦。甘羅童牙即史所謂稚齒而報

趙。顏回明仁於度轂。程嬰顯義於趙武。華顛白首也

袁紹與孫瓚書曰。夫處三軍之師。當列將之任。宜令怒如嚴霜。喜如時雨。減否好惡。坦然可觀。而乃二三其德。彊弱易謀。急則曲躬。緩則放逸。行無定端。言無

質要為壯士者固若此乎。

魏曹植疏審舉之義曰。有不世之君。必能用不世之臣。用不世之臣。必能立不世之功。若夫齷齪近步。遵常守故。安足言哉。故陰陽不和。三光不暢。官曠無人。庶政不整者。三司之責也。壇場騷動。方隅內侵。沒軍喪衆。干戈不息者。邊將之憂也。豈可虛荷國寵。而不稱其任哉。故任益隆者。負益重。位益高者。責益隆。晉劉元海對朱紀。范隆言曰。吾每觀書傳。常鄙隨陸無武。絳灌無文。道由人弘。一物之不知。固君子之所

不也。二生遇高帝。而不能建封侯之業。兩公屬太子。而不能開庠序之美。惜哉。

梁世祖檄曰。按劔而叱。江水為之倒流。抽戈而揮。蛟日為之退舍。

陳伯之書曰。佩紫懷黃。讚帷幄之謀。乘軺建節。奉疆場之任。

文學傳序曰。經禮樂而緯國家。道古今而述美惡。非文章不可也。是以君臨天下者。莫不敦悅其義。縉紳之學。咸貴尚其道。古往今來。未之能易。

劉勰文心雕龍序曰。唯文章之用。實經典之枝條。五經資之以成。六典因之致用。君臣所以炳煥。軍國所以昭明。

宋太祖詔曰。或履道廣流。秉德冲邈。或雅量高劭。風鑒明遠。或識難知正。才略開邁。咸文德以熙帝載。武功以隆景業。固以侔蹤姬旦。方軌伊召者矣。

謝靈運傳論曰。民稟天地之靈。含五常之德。剛柔迭用。喜愠分情。夫志動於中。則歌詠外發。六義所因。四始攸繫。升降謳謠。紛披風什。雖虞夏以往。遺文不覩。稟氣懷靈。理無或異。然則歌詠所興。宜自生民始也。齊張融自序曰。夫文豈有常體。但以有體為常。

陳世祖詔曰。或締構艱難。經綸夷險。或摧鋒冒刃。殉義遺生。或宣哲協規。綢繆帷幄。或披荆汗馬。終始勤勞。莫不罄誠悉力。此泰以之。

蔡景歷對高祖曰。通儒博識。英才偉器。雕麗暉煥。摛揆絢藻。子雲不能抗其筆。元瑜無以高其記。尺翰馳而聊城下。清談奮而羸軍却。

隋文帝優詔褒韓擒虎曰。申國威於萬里。宣朝化於

一隅。高名塞于宇宙。盛業光于天壤。

王傑等總論曰。文士懷溫恭之操。其弊也懦弱。武夫稟剛烈之資。其弊也敢悍。故有使酒不遜之禍。拔劍爭功之尤。

楊素誅柳機曰。修竹夾池。永絕梁園之賦。長楊映沼。無復洛川之文。

楊素傳論曰。掃妖氛於牛斗。江海無波。摧驍騎於龍廷。匈奴遠遁。

周武帝賜素詔曰。論文則詞藻縱橫。語武則權奇間

文苑序曰。負宏衍之思。挺棟幹于鄧林。擅俊麗之才。飾羽儀於鳳穴。○孝武之後。雅尚斯文。揚葩振藻者如林。而二馬王揚為之傑。東京之朝。茲道逾扇。咀微含商者成市。而班傅張蔡為之雄。

文學傳叙曰。江左宮商。發越貴于清綺。河朔詞義。貞剛重乎氣質。氣質則理勝其詞。清綺則文過其意。理深者便于時用。文華者宜于詠歌。此其南北詞人得失之大較也。若能掇彼清音。簡茲累句。各去所短。合

其兩長。則文質斌斌。盡善盡美矣。

經籍志曰。文者所以明言也。古者登高而賦。山川能祭。師旅能誓。喪紀能誅。作器能銘。則可以為大夫。言其因物騁辭。情靈無壅者也。○雅志傳於游夏。餘波鼓于屈宋。

後魏李騫釋情賦曰。百揆鬱以時叙。四門穆其惟清。如得人於漢世。比多士於周廷。有一匡以作相。或十亂而為楨。各秉文而經武。故天平而地成。

崔僧淵復蕭鸞書曰。文士競謀于廟廊。武夫効勇于

疆場。


北齊文苑論曰。文之所起。情發於中。人有六情。稟五常之秀。情感六氣。順四時之序。摛黼黻於生知。問圭璋於先覺。譬彩雲之自裁。五色猶儀鳳之冥會。八音唐魏元忠上高宗曰。天下之柄有二。文武而已。至制勝御人。其道一也。今言武者先騎射。不稽之權略。言文者首篇章。不取之經綸。何益治亂哉。養由基射能穿札。不止鄢陵之奔。陸士衡識能辨亡。無救河陽之敗。

元劉秉忠疏曰。君之所任。在內莫大乎相。相以領百官。化萬民。在外莫大乎將。將以統三軍。安四域。內外相濟。國之急務。必先之也。

明楊慎瓌語曰。歐陽公之文。粹如金玉。蘇公之文。浩如江河。歐之模寫事情。使人宛然如見。蘇之開陳治道。使人惻然動心。皆前無古人矣。至於老泉之文。侈能盡之。約遠能見之。近大能使之微。小能使之著。煩能不亂。肆能不流。其雄壯俊偉。若決江河而下也。其輝光明著。若引星辰而上也。若求其侶。在孟荀之間。

史漢之上。不可以文人論也。

新選古今類腋卷之五終



古今圖書集成  
卷之三

